

www.parcoursup.fr

Te tahua natirara 'āpī nō te tomo atu i roto i te ha'api'ira'a teitei

E 4 tuha'a nō te tomo atu i roto i te ha'api'ira'a teitei

1 Novema – Fepuare Ha'amāramaramara'a E 'imi te piahi i te mau ha'amāramaramara'a i ni'a i te tahua natirara : www.onisep.fr e www.terminales2017-2018.fr E nehenehe ato'a tāna e ani i te tahi tauturu i pīha'i iho i te pupu 'orometua i fa'ata'ahia nō teie tuha'a ('orometua tumu, ta'ata fa'aa'o, taote hīro'a)	2 Tēnuare – Māti Tāpa'ora'a i te mau 'āveira'a ha'api'ira'a E tāpa'o te pīahi i te mau 'āveira'a ha'api'ira'a tāna e 'ōpua. E nehenehe tāna e 'imi i te mau ha'amāramaramara'a i ha'apurorohia e te mau fareha'api'ira'a i ni'a i te tahua natirara.	3 Mē – Tetepa Pāhonorā'a E pāhono mai te mau fare ha'api'ira'a. 'Ia noa'a mai e piti fa'aaura'a, e mā'iti 'e e ha'apāpū i te 'āveira'a ha'api'ira'a.	4 Tiunu – Tetepa Fa'anahora'a ta'a'ē Mai te peu e, e'ita te mau anira'a e fāri'ihia, e ha'apurorohia te mau 'āveira'a e vata i te 26 nō tiunu.
--	---	--	--

E aha te mau 'āveira'a ha'api'ira'a e vai ra i ni'a i te tahua natirara « [parcoursup](http://www.parcoursup.fr) » ?

I roto i te tuha'a « questions fréquentes » te vai ra ihoā te rahira'a o te mau 'āveira'a ha'api'ira'a nō te mau parau tū'ite « Licences, BTS, DUT, CPGE... ». E nehene tā te piahi e ani i te tahi mau ha'amāramaramara'a i ni'a i te mau tai'o mahana 'e te fa'anahora'a e ti'a ia rave i pīha'i iho i te mau fare ha'api'ira'a.

E hia anira'a tā te piahi e nehenehe e tāpa'o ?

E 10 anira'a. Hō'ē anira'a, hō'ē ia 'āveira'a ha'api'ira'a i roto i te fare ha'api'ira'a hō'ē.

E nehenehe tā te piahi e tāpa'o hō'ē 'āveira'a ha'api'ira'a i roto i tera e tera fare ha'api'ira'a.

E ti'a ānei ia tānumerahia i te mau 'āveira'a ha'api'ira'a ?

E'ita. E ha'apāpu ra i te mau 'āveira'a ha'api'ira'a e hina'arohia nā mua roa.

E piti huru 'āveira'a ha'api'ira'a i fa'ata'ahia. Te mau 'āveira'a ha'api'ira'a tāfīti'ahia (tāta'ura'a, 'āparaura'a, rata fa'ana'anatae...), 'aore ra tāfīti'ahia-'ore-hia.

E'ita e fa'ahepohia e tāpa'o i te hō'ē 'āveira'a ha'api'ira'a tāfīti'a-'ore-hia.

'Ua 'ite ānei te mau fare ha'api'ira'a i te mau anira'a tā te piahi i tāpa'o ?

E'ita te mau fare ha'api'ira'a e 'ite i te mau anira'a.

E aha te fāito e tītauhia ra ?

E ha'apapū nei te Parcoursup i te mau 'ite, te mau 'aravihi e tītauhia ra nō te ha'api'ira'a tuatoru. E mau ha'amāramaramara'a teie i te mau fa'ahēpora'a e vai ra. E tauturura'a ato'a teie i te mau 'orometua ha'api'i nā reira ato'a i te ta'ata fa'aa'o, taote hīro'a nō te fare ha'api'ira'a tuarua, nō te arata'i-mata'i-ra'a ia 'oe.

E aha te parau titi « Avenir » ?

E puta teie e fa'a'ite nei i te mau nota, i te mau hi'opo'ara'a a te mau 'orometua ha'api'i, i te terera'a o te ha'api'ira'a, i te mau 'aveira'a ha'api'ira'a, 'e te mana'o o te fa'atere ha'api'ira'a tuarua. Nā te fare ha'api'ira'a e fa'a'i i teie parau titi « Avenir », ha'apono atu ai i te mau fare ha'api'ira'a tuatoru. Nā rātou e fa'aoti i te mau anira'a a te piahi.

E aha te mau pāhono'a nō te mau anira'a nō te 'āveira'a ha'api'ira'a tātīti'ahia (CPGE...)

- « 'Ē », e tu'ura'a mana'o fa'aō ia
- « Tīa'i ia vata mai te pārahira'a »
- « 'Aita »

Nō te 'āveira'a ha'api'ira'a tātīti'a-'ore-hia (nō te parau tū'ite licence)

- « 'Ē », e tu'ura'a mana'o fa'aō ia
- « 'Ē, mai te peu ē.. », e tu'ura'a mana'o fa'aō mai te peu ē 'ua fa'ati'ahia te « *contrat de réussite pédagogique* »
- « Tīa'i ia vata mai te pārahira'a »

« Contrat de réussite pédagogique », e aha ia teie ?

Te vai nei te mau arata'ira'a i fa'aahia i te fāito 'ite o te pīahi. E nehenehe tāna e fāri'i i te « *contrat de réussite pédagogique* » 'aore ra 'aita. Mai te peu ē, e pāto'i 'oia, e 'ere ia 'ona i teie tu'ura'a mana'o fa'aō.

Nāhea ia pāhono atu i teie tu'ura'a mana'o fa'aō ?

Rau o te huru.

'Ua tae atu hō'ē noa tu'ura'a mana'o fa'aō :

- E fa'ari'i te pīahi i teie tu'ura'a mana'o fa'aō 'aore rā 'aita
- Ta'a noa atu i teie nā pāhono'a, e ti'a ia tāmau noa i te tahi anira'a
- 'Ia tae atu te parau fa'ati'a, e tāpa'o i te 'oa o te pīahi (ha'amāramaramara'a i ni'a i te tahua natirara)
- Mai te peu ē, 'ua tāpa'ohia i te 'oa, e nehenehe ato'a tā te pīahi e pāhono atu i te tahi mau tu'ura'a mana'o fa'aō.

'Ua tae atu e rau huru tu'ura'a mana'o fa'aō:

- E ti'a ia 'ia fa'ari'i hō'ē noa tu'ura'a mana'o. 'A ha'apapū i te tahi atu, 'ia vai matara noa te parahira'a nō vetahi 'ē.
- E nehenehe ato'a e tamau noa i te tahi mau anira'a i tāpa'ohia.
- Mai te peu ē, 'ua tae mai te parau fa'ati'a, e ti'a ia e tāpa'o atu i te 'oa.

'Ua pāhono noa hia atu « *en attente* » :

- E tīa'i, e vata mai te mau parahira'a ia fa'a'ore atu te mau pīahi i tā rātou mau anira'a.

'Aore te mau anira'a i fa'ari'ihia :

- Te vai ra te tahi fa'anahora'a ta'a 'ē . E tīa'i 'ia vata te tahi mau parahira'a no te tahi atu 'āveira'a ha'api'ira'a.

Te tārena a te pīahi (ha'apāpūra'a)

Mai te 15 nō tēnuare

- E matara te tahua natirara « Parcoursup »
- E tai'o maita'i atu i te mau parau ha'amāramaramara'a e vai ra i ni'a i te tahua natirara
- Ia vai tāmau noa te tāu'ara'a parau i rotopū i te pīahi 'e te mau 'orometua ha'api'i, te ta'ata fa'aa'o, taote hīro'a o te fare ha'api'ira'a. Tāmau i te 'imi i te mau parau 'āpī nō te ha'amaramarama maita'i ia 'oe, www.onisep.fr 'e www.terminales2017-2018.fr.

Mai te 22 nō tēnuare tae atu i te 13 nō māti 2018 (hora 7)*

- E tāpa'o i te 'oa o te pīahi i ni'a i te tahua natirara maoti tāna nūmera INE.
- E hi'opo'a i te mau fa'anahora'a e vai ra. I te mau taime ato'a a mā'ti ai i te tahi 'āveira'a ha'api'ira'a, e matara mai te tahi parau. I roto i teie parau, te vai ra te mau fa'anahora'a, te mau tōro'a, te fāito o te manuiara'a, te fifi pārahira'a 'e te fāito e tītauhia ra.

Tae atu i te 31 nō māti 2018

- E nehenehe tā te pīahi e fa'aoti roa i tāna mau 'api parau.

Mai te 22 nō mē 2018

- E nehenehe tā te pīahi e hi'o atu i te parau titi « Avenir »

Mai te 22 nō mē tae atu i te 22 nō tetepa 2018 (hora 12)*

- E ti'a ia e haere atu e hi'o i te mau tu'ura'a mana'o fa'aō i fa'ataehia atu ia au i te mau anira'a. E ti'a ia ia fa'ati'a 'aore ra ia pāto'i i teie mau tu'ura'a mana'o fa'aō i roto i te ārea e 7 mahana, tae atu i te 25 nō tiunu ia au i te mau pāhono'a i fa'ata'ahia i raro atu. Mai te 26 nō tiunu, e 3 mahana i fa'ata'ahia ; 1 mahana mai te 21 nō 'ātete.

I te taime hi'opo'ara'a « BAC »

- E tāpe'ahia te mau fa'a'ite'itera'a o te tu'ura'a mana'o fa'aō i te ārea i reira te « Bac » e tupu ai.

Te 21 nō tetepa 2018, hora 12 i te avatea*

- 'Ia ma'iri tera tai'o mahana, e 'ita e nehenehe fa'ahou e pāhono i te mau tu'ura'a mana'o i fa'ataehia atu.

Mai te 26 nō tiunu tae atu i te 21 nō tetepa 2018 (hora 12 i te avatea*), e fa'anahora'a ta'a 'ē

- Mai te peu noa atu 'aita hō'ē a'e anira'a i manuia, e tapa'o ia i te tahi 'āveira'a ha'api'ira'a e vata i ni'a ia Parcoursup.

* Hora i te fenua nei